

Ilanngussaq 2, oqaasertaliussat kiisalu oqaasertaliussanut nassuiaatit

Ilanngussaq 2, AIS 2025-p aappassaaneerneqarnissaanut atatillugu oqaasertaliussanut aamma oqaasertaliussanut nassuiaatinut **allannguutissatut siunnersuut:**

Nr. 62.

Naalackersuisut - Suliassaqarfik 10 – 89

Oqaasertaliussat tulliuttut ilanngunniarneqarput.

"Nr. 10.

Naalackersuisut sulisartut malittarisassat atuuttut malillugit ATP pillugu aaqqissuussinermut ilaasut sinnerlugit ATP-mut tapiinernik akiliuteqarnissamut piginnaatinneqassasut."

Naalackersuisunut nassuiaatit – suliassaqarfik 10-89

Oqaasertaliussanut nassuiaatit tullinnguuttut ilanngunniarneqarput:

"Nr. 10.

Suliffeqarnermit soraarnerussutisianut tapiliussaq pillugu inatsimmi § 38, imm. 1 naapertorlugu danskit ATP-t aallaaviatigut Kalaallit Nunaanni atuutsinneqanngilaq. Taamaattorli inatsimmi tassani § 38, imm. 3-mi takuneqarsinnaavoq sulisartut Kalaallit Nunaanni aalajangersimasumik najugaqanngitsut, danskillu naalagaaffiat imaluunniit danskit suliffeqarfiutaat suliffiutaallu sinnerlugit Kalaallit Nunaanni sulitinneqartut inatsimmut ilaatinneqartut, tassalu Arbejdsmarkedets Tillægspension-imut ilaasortaanermut piumasagaatit matumani naammassineqarsimappata. Malittarisassat assingusut sulisartunut danskinut Kalaallit Nunaanni aalajangersimasumik najugaqanngitsunut aamma nunani allani suliffeqarfiit suliffiillu sinnerlugit Kalaallit Nunaanni sulitinneqartunut atuutsinneqarput.

Taamaasilluni Kalaallit Nunaanni sulisartut amerlanerpaartaat ATP pillugu aaqqissuussinermut ilaatinneqanngillat. Paarlattuanik inatsimmi sulisartut danskit suliffeqarfiutaannut attuumassutillit Kalaallit Nunaanni sulitinneqartut isiginiarneqarsimapput. Inuit taakkua pineqartut ATP pillugu aaqqissuussinermut peqataanissamut piumasagaatinik naammassinnittuartillugit ilaatinneqassapput, takuuk § 38, imm. 3.

Namminersorlutik Oqartussat malittarisassanik taakkuninnga malinnipput, aningaasartuutilli akilernissaanut suliffeqarfiup iluani tunngavissamik immikkoortitsisoqarsimanngitsoq paasineqarmat qanittukkut aatsaat tamanna paasineqarpoq. Pissutsimut taaneqartumut iluarsiiisoqarnissaa oqaasertaliussani siunertaavoq.

Oqaasertaliussat nutaajupput."

Aningaasaqarnermut Akileraartarnermullu Naalackersuisoq - Suliassaqarfik 20 – 24

Nr. 63.

Kontumut pingaarnermut, 20.11.51 Nutarterinerit sunniutaat

Kontumut pingaarnermut matumunnga oqaasertaliussat nr. 1-3 tassungalu nassuiaatit peerniarneqarput. Inissiaqarfinni aaqqissuusseqqinnissaq pillugu politikikkut isumaqatigiissusiortoqarsimammat oqaasertaliussat peequneqarput, aaqqissuusseqqinnermilu

Ilanngussaq 2, oqaasertaliussat kiisalu oqaasertaliussanut nassuiaatit

Namminersorlutik Oqartussat inissiaataanni attartortittakkani iluarsartuussinissat kinguaattoorfusimasut angumeriniarneqassapput.

Nr. 64.

Konto pingaarnermut 24.11.13 Umiarsualivimmiinnermut akileraarut

Oqaasertaliussat tulliuttut ilanngunniarneqarput. 2024-mut oqaasertaliussat ilassutitut aningaasaliissutitut saqqummiunneqarput. Allannguutissatut siunnersuut makku 2025-mi ingerlateqqeqquneqarput:

”Umiarsualivimmiinnermut aamma umiarsuarnut takornariartaatinut ilaasunut akitsuusiinikkut akileraarutit pillugit inatsisartut inatsisaanni aalajangersagaq § 3, imm. 2 taamatut Kangerlussuarmi umiarsualivimmut 1. januar 2025-miit atorineqarpoq.”

Kontomut pingaarnermut, 24.11.13 Umiarsualivimmiinnermut akileraarut, nassuiaatit

Oqaasertaliussanut nassuiaatit tullinnguuttut ilanngunniarneqarput:

”Umiarsualivinnut (Nuuk aamma Kangerlussuaq) Sikuki Harbour A/S-mit aqunneqartunut, ingerlatseqatigiiffik atuinermut akiliummik akileeqqusisarpoq. Tamatuma saniatigut umiarsualivimmiinnermut aamma umiarsuarnut takornariartaatinut ilaasunut akitsuutit pillugit inatsisartut inatsisaanni malittarisassat malillugit umiarsuit umiarsualivinnut taakkununga aqqusaartut umiarsualivimmiinnermut aamma umiarsuarnut takornariartaatinut ilaasunut akitsuummik akileeqquneqartarput.

Inatsisartut inatsisaanni nr. 61, 20. november 2023-meersukkut umiarsuarnut takornariartaatinut Nuup umiarsualivianut aqqusaartunut immikkut akileraarutitut akigititat atuutilersinneqarput. Aalajangersagaq malillugu umiarsuarnut takornariartaatinut tonsit (BT) 30.000-nik qaangiisimangitsunut akileraarutitut akigititaq 0 kr.-uvoq. Umiarsuup takornariartaatip BT-a 30.000-iussappat imaluunniit qaangersimassappagu akileraarut ullormut unnuamullu aallartitanut ataasiakkaanut BT-kkaanut 0,70 kr.-ussaq. Umiarsualivinni allani umiarsuup BT-ata 30.000 qaangersimangippagu ullup unnuallu aallartinneritut ataasiakkaanut akileraarut 1,10 kr.-uvoq, kisianni umiarsuarnut takornariartaatinut allanut ullup unnuallu aallartinneritut ataasiakkaanut BT-mut 2,20 kr.-uvoq. Nuummi akitsuusiinikkut akileraarusiinerup appasinneruneranut tunuliaqutaasoq tassaavoq, atuinermut akiliutip nunattalu karsianut akitsuusiinikkut akileraarutit ataaqatigiissinnerisa malitsigisaanik Nuummi akit qaffasissusiat qaffasippallaalissammat.

Kangerlussuarmi umiarsualivimmik Sikuki Nuuk Harbour A/S-p tigusinerata kingorna, Kangerlussuarmi umiarsualivimmut soqutiginninneq aamma taanna atuuppoq.

Nuummi umiarsualivimmisut malittarisassat assingitut Kangerlussuarmi umiarsualiviup ilaasimanginneranut pissutaavoq, piffissami siusinnerusukkut Kangerlussuarmi umiarsualivimmi pissutsit pillugit naammattumik paasissutissat pigineqarsimanginneri. Kangerlussuarmi umiarsualiviup aqunneqarneranut aningaasartuutitut uppernarsaatit maanna Sikuki Harbourip nassiuppai.

Akitsuusiinikkut akileraarutitut iluanaarutit 800.000 koruunit missiliorlugit appariarnissaat ilimagineqarpoq.

Oqaasertaliussaq nutaajuvoq.”

Ilanngussaq 2, oqaasertaliussat kiisalu oqaasertaliussanut nassuiaatit

Meeqqanut, Inuusuttunut, Ilinniartitaanermut, Kultureqarnermut, Timersornermut Ilageeqarnermullu Naalakkersuisoq – Suliassaqarfik 30

Nr. 65.

Konto pingaarnermut, 30.14.01 Nuna tamakkerlugu katsorsaasarfik siunnersuisarfillu

Kontumut pingaarnermut nutaamut matumunnga oqaasertaliussat tullinnguuttut ilanngunniarneqarput. Oqaasertaliussap ilanngunniarneqarneranut tunngavilersuut takorusunneqassappat oqaasertaliussamut matumunnga nassuiaatit innersuussutigineqassapput.

"Naalakkersuisut kontumi pingaarnermi matumani atuinikinnerussutinik ukiumut aningaasanut inatsiseqarfiusumut tullermut nuussinissamut piginnaatinneqarput. Aningaasaliissutinik amerlanerpaamik 3.000.000 kr.-t nuunneqarsinnaapput."

Kontumut pingaarnermut, 30.14.01 Nuna tamakkerlugu katsorsaasarfik siunnersuisarfillu, nassuiaatit

Oqaasertaliussanut nassuiaatit tullinnguuttut ilanngunniarneqarput:

"Oqaasertaliussatigut qulakkeerneqarpoq Naalakkersuisut ukiumut aningaasanut inatsiseqarfiusumut tullermut aningaasanik nuussinissaminnut tunngavissaqarnerat, taamaalilluni inunnik isumaginninnermi sulissutigineqartunik annertunerpaamik piareersaasarnikkut iluarsartuussisarnikkullu sapinngisamik annertunerpaamik naammassisaqartoqartarsinnaaniassammat.

Oqaasertaliussaq nutaajuvoq."

Peqqissutsimut Naalakkersuisoq – Suliassaqarfik 34

Nr. 66.

Kontumut pingaarnermut 34.01.07 Qatserisunut taarsigassarsiat

Kontumut pingaarnermut matumunnga oqaasertaliussaq tassungalu nassuiaatigineqartut peerniarneqarput. Oqaasertaliussaq Qatserisunut taarsigassarsiaritineqartut AIS2025-p tamanut saqqummiunnissaat sioqqullugu akuerineqarsimanissaat pillugu ilassutitut aningaasaliissuteqartoqarnissaa naatsorsuutigalugu AIS2025-mut ilanngunneqarsimavoq. Ilassutitut aningaasaliissutissaq akuerineqarsimanngilaq, oqaasertaliussarlu ajoraluartumik AIS2025-p tamanut saqqummiunnissaa sioqqullugu peerneqarsimanngilaq.

Naalagaaffinngornissamut Nunanullu Allanut Naalakkersuisoq - 62-64

Nr. 67.

Kontumut pingaarnermut, 64.01.01 Naalagaaffinngornissamut Nunanullu Allanut Naalakkersuisoqarfik

Oqaasertaliussat tullinnguuttut kontumut pingaarnermut matumunnga ilanngunniarneqarput: Oqaasertaliussap ilanngunniarneqarneranut tunngavilersuut takorusunneqassappat oqaasertaliussamut matumunnga nassuiaatit innersuussutigineqassapput.

Ilanngussaq 2, oqaasertaliussat kiisalu oqaasertaliussanut nassuiaatit

"Naalackersuisut kontumi pingaarnermi matumani atuinikinnerussutinik ukiumut aningaasanut inatsiseqarfiusumut tullermut nuussinissamut piginnaatinneqarput."

Kontumut pingaarnermut, 64.01.01 Naalagaaffinngornissamut Nunanullu Allanut Naalackersuisoqarfik, nassuiaatit

Oqaasertaliussanut nassuiaatit tullinnguuttut ilanngunniarneqarput:

"Naalackersuisut Issittumi Siunnersuisoqatigiinni siulittaasoqarfiup akilertarnissaanut aningaasaliissutigineqartut tulluartumik atortarnissaasa qulakkeernissaat siunertaralugu kiisalu Namminiilivinnissamut attaveqaasersuutinullu periusissianut Immikkoortortaqarfimmi suliniutissat piviusunngortinniarnissaannut aningaasat tulluarnerusumik atortarnissaasa qulakkeernissaat siunertaralugu aningaasanik aningaasanut inatsiseqarfiusumut tullermut nuussinissamut tunngavissaqarnissaat oqaasertaliussatigut qulakkeerneqarpoq.

Oqaasertaliussaq nutaajuvoq."

Inuussutissarsiornermut, Niuernermut, Aatsitassanut, Inatsisit Atuutsinneqarnerannut Naligiissitaanermullu Naalackersuisoq – Suliassaqarfik 66 - 67

Nr. 68.

Kontumut pingaarnermut, 67.01.10 Kalaallit Nunaanni imaani avatangiisinut upalungaarsimanerunissaq pillugu pisortani susassaqartut assigiinngitsut suleqatigiinnerat

Oqaasertaliussaq tassungalu nassuiaatit peerniarneqarput. Konto pingaarneq AIS2025-mi aningaasaliissutinik ilallugu ilanngunneqanngilaq. Taamaammatt oqaasertaliussaq AIS2025-mi ilanngunneqartussaannikkaluarpoq.

Ineqarnermut Attaveqaasersuutinullu Naalackersuisoq - Suliassaqarfik 70 - 72

Nr. 69.

Kontumut pingaarnermut, 72.10.19 Namminersorlutik Oqartussat inissianut immikkoortortaqarfiinut immikkut ittumik tapiissutit

AIS2025-mi siunertamut kontumut matumunnga oqaasertaliussaq ukiumut '2023'-mut tunngasoq peeqquneqarpoq ukiumillu '2025'-mik taarserlugu.

Kontumut pingaarnermut, 72.10.19 Namminersorlutik Oqartussat inissianut immikkoortortaqarfiinut immikkut ittumik tapiissutit, nassuiaatit

AIS2025-mi siunertamut kontumut matumunnga oqaasertaliussamut naassuiaatini oqaaseqatigiit siulliit tullinnguuttuni nassuiaatiniittut peerniarneqarput:

"Namminersorlutik Oqartussat inissianik attartortittagaanni nutarterinermik kinguaattooqqanerit angummaffiginissaannut pilersaarummik akuerineqarsimasumik soqanngilaq."

Uanngalu taarserneqarluni:

"Inissianut suliassaqarfiup aqqissuussiffigeqqinnissaa pillugu politikikkut isumaqatigiissusiortoqarsimavoq. Anguniagassat ilaanni Namminersorlutik Oqartussat inissianut immikkoortortaqarfiini oqimaqatigiittoqarnissaa anguniagaavoq, tassanilu Namminersorlutik

Ilanngussaq 2, oqaasertaliussat kiisalu oqaasertaliussanut nassuiaatit

Oqartussat inissiaataanni ineqarnermut akiliutigineqartup ingerlatsinermit aserfallatsaaliuinernullu aningaasartuuterpianut naapertuuttuulernissaa qulakkearniarneqarpoq. Ineqarnermut akiliutinik naleqqussaanerit 2027-mit aatsaat pisinnaapput.”

Nr. 70.

Kotomut pingaarnermut, 72.20.05 Ilaasunik angallassinermut tapiissutit

Oqaasertaliussat tulliuuttut ilanngunniarneqarput.

”Nr. 4.

Arctic Umiaq Line A/S-imut 15 mio. kr.-nit angullugit amigartoortoqarnissaanut qularnaveeqqusiinissamut tunniussinissamut Naalakkersuisut piginnaatinneqarput.”

Kotomut pingaarnermut, 72.20.05 Ilaasunik angallassinermut tapiissutit

Oqaasertaliussanut nassuiaatit tullinnguuttut ilanngunniarneqarput:

”Nr. 4.

Arctic Umiaq Line A/S-ip ukioq aningaasarsiorfiusoq 2024 malunnartumik amigartooruteqarfigalugu anigorumaaraa naatsorsuutaavoq. Umiarsuaatileqatigiiffiup ukiumi aningaasanut inatsiseqarfiusumi 2025-mi sammisaminni aningaasaqarnertik tamakkiisumik iluarsinavianngitsoq naatsorsuutigaa. Umiarsuaatileqatigiiffiup ingerlaannarnissaa tapersersuiiffiginiarlugu Naalakkersuisut 15 mio. kr.-nit angullugit amigartoornissamut qularnaveeqqusiinissamut tunniussinissaminnut piginnaatinneqarput.

Amigartoortoqarnissaanut qularnaveeqqusiineq ilaasussanut tunngavigineqartoq Sarfaq Ittuup ingerlanneranut tapersersuisinnaanngippat tamakkiisumik ilaannakortumilluunniit tunniunneqarsinnaassaaq. Arctic Umiaq Line A/S-imut amigartoortoqarnissaanut qularnaveeqqusiinissamut piumasaqaatinut sukumiinerusunut isumaqatigiissusiornissamut Naalakkersuisut piginnaatinneqarput.

Oqaasertaliussaq nutaajuvoq.”

Nunalerinermit, Imminut Pilersornermut, Nukissiutitut Avatangiisinullu Naalakkersuisoq - Suliassa qarfik 73-77

Nr. 71.

Siunertamut kotomut 73.04 Nunalerineq namminerlu pilersorneq

AIS2025-mi siunertamut kotomut matumunnga oqaasertaliussaq nr. 1 peerniarneqarpoq tullinnguuttunillu taarserlugu. Allannguutissatut siunnersuut oqaatsititigut allannguinerinik aamma suliassa qarfimmuut inatsimmut kingullermut innersuussisarnerup nutarteriffigineramik kinguneqassaaq.

”Nr. 1.

Nunalerinermit inuussutissarsiutinik siuarsaanissaq pillugu Inatsisartut inatsisaat nr. 28, 23. maj 2023-meersoq naapertorlugu qularnaveeqqusiinissutinut piumasaqaatit malillugit taarsigassarsiat qularnaveeqqusikkat akilerneqarsimanngitsut akiitsullu akilernissaannut Naalakkersuisut piginnaatinneqarput.

Tamatununnga piumasaqaatinut atuuttunut inuussutissarsiutinut siuarsaanissamut taarsigassarsiarineqartut qularnaveeqqusiussanut akilerneqartunut Naalakkersuisut nuussisinnaapput,

Ilanngussaq 2, oqaasertaliussat kiisalu oqaasertaliussanut nassuiaatit

taamaattoq inuussutissarsiutit siuarsaaffiginissaannut inatsimmi erniaritinneqartut atuuttut malillugit akiliuteqartitsisoqarluni.”

Nr. 72.

Siunertamut kontomut 73.04 Nunalerineq namminerlu pilersorneq

AIS2025-mi kontumut pingaarnermut matumunnga oqaasertaliussaq nr. 2 peeqquneqarpoq, tullinnguuttunillu taarserlugu. Allannguutissatut siunnersuut ilaatigut kontuni pingaarnerni taaguutini oqaatsititigut allannguinernik kinguneqassaaq.

”Nr. 2.

Aningaasanut inatsimmi aningaasaliissutissat aalajangersagaareersut saniatigut konto pingaarneq, 73.04.03 Nunalerinermut Inuussutissarsiutinik Siursaaneq, atorlugu inuussutissarsiutinut siursaaneermut taarsigassarsiat tunniuttarnissaannut Naalakkersuisut piginnaatinneqarput, matumani tamakku taarsigassarsiaareersut akilernissaannut atorneqassappata, taamaasillunilu taarsigassarsiat taakku taarsigassarsiaareersut akilerneqarnissaannut atorneqassappata, taamaallutillu kontuni pingaarnerni, 73.04.03 Nunalerinermut inuussutissarsiutinik siursaaneq, aamma 73.04.05 Taarsigassarsianut ernialinnut akilersuutit, assinganik isertitaqarnerunissamut tapeeqataasinnaassappata.

Siunertamut kontomut, 73.04, Nunalerineq namminerlu pilersorneq, nassuiaatit

AIS2025-mi siunertamut kontumut matumunnga oqaasertaliussamut nr. 2-mut nassuiaatini oqaaseq 'inuussutissarsiutinut tapeq' peeqquneqarpoq oqaatsimillu 'inuussutissarsiutinik siursaaneq'-mik taarserlugu.

Nr. 73.

Siunertamut kontomut 73.04 Nunalerineq namminerlu pilersorneq

AIS2025-mi siunertamut kontumut matumunnga oqaasertaliussaq nr. 4 ukioq '2025' atorneqartoq peerniarneqarpoq ukiumillu '2026'-mik taarserlugu.

Siunertamut kontomut, 73.04, Nunalerineq namminerlu pilersorneq, nassuiaatit

AIS2025-mi siunertamut kontumut matumunnga nassuiaammut oqaasertaliussaq nr. 4 'kontumut pingaarnermut, 73.04.04 Taarsigassarsiat ernialersukkat'-mut innersuussissutaasoq peerniarneqarpoq 'kontumillu pingaarnermik, 73.04.03 Nunalerinermut inuussutissarsiutinik siursaaneq'-mik taarserlugu.

Nr. 74.

Siunertamut kontomut 73.04 Nunalerineq namminerlu pilersorneq

AIS2025-mi siunertamut kontumut matumunnga oqaasertaliussaq nr. 5-imi immikkoortoq nr. 1 peeqquneqarpoq, tullinnguuttunillu taarserlugu. Allannguutissatut siunnersuut oqaatsitigut allannguinernik aamma suliaqqarfimmut inatsimmut atuuttumut innersuussinernik kinguneqassaaq.

”Nr. 5.

Naalakkersuisut qinnuteqartoqareerneratigut Nunalerinermut inuussutissarsiutit siuarsaaffiginissaat pillugu Inatsisartut inatsisaat nr. 28, 23. maj 2023-meersoq naapertorlugu imaluunniit nunalerinermut inuussutissarsiutinut tapiisarnermut malittarisassat siusinnerusukkut atuuttut malillugit taarsigassarsianut tunniunneqartunut tunngatillugu 2025-mi akilersuutit erniallu akilernissaannut kinguartitsinissamik tunniussinissamut piginnaatinneqarput.”

Ilanngussaq 2, oqaasertaliussat kiisalu oqaasertaliussanut nassuiaatit

Siunertamut kontumut, 73.04, Nunalerineq namminerlu pilersorneq, nassuiaatit

AIS2025-mi siunertanut kontumut matuma pineqartumut oqaasertaliussamut nr. 5-imut nassuiaatini immikkoortoq 1-imi 'taarsigassarsiat inuussutissarsiutinik tapiiffiusut' peqquneqarpoq 'taarsigassarsiat inuussutissarsiutinik siuarsaaffiusut'-mik taarserlugu.

AIS2025-mi kontumut pingaarnermut matumunnga oqaasertaliussamut 5-imut nassuiaatini immikkoortoq 3 peerniarneqarpoq tullinnguuttunillu taarserlugu:

”Aalajangersakkami Nunalerinermut inuussutissarsiutinik siursaaneq pillugu Inatsisartut inatsisaat nr. 28 , 23. maj 2023-meersoq imaluunniit nunalerinermut inuussutissarsiutinut tapiisarnermut malittarisassat siusinnerusukkut atuuttut naapertorlugit taarsigassarsiat tunniunneqartut ilaapput.”

Nr. 75.

Kontumut pingaarnermut 73.04.03 Taarsigassarsiarititit ernialersugaanngitsut akilersuutitaqanngitsullu

Kontumi pingaarnermi matumani taaguusiunneqartoq "Taarsigassarsiarititit ernialersugaanngitsut akilersuutitaqanngitsullu" "Nunalerinermut inuussutissarsiutinik siursaanaissaq"-mut allanngorteqquneqarpoq.

Sanaartorneq - Suliassaqarfik 80 – 89

Nr. 76.

Suliassaqarfimmumut 80 - 89-imut, Sanaartugassat Iluarsagassallu

Oqaasertaliussat tullinnguuttut kontumut pingaarnermut matumunnga ilanngunniarneqarput:

”Nr. 9

Pisortat oqartussaaffigisaanni suliffeqarfiinilu nioqqutissanik kiffartuussinernillu pisiniarnermut tunngatillugu neqerooruteqartitsisarneq pillugu Inatsisartut inatsisaat nr. 6, 6. december 2019-imeersoq naapertorlugi nioqqutissanik sullissinernillu pisiniartarnerit minittarnissaannut Naalakkersuisut piginnaatinneqarput.

Naalakkersuisut neqeroorutiniq pissarsiniartarnissaq, nioqquteqartunut isumaqatigiinniartarnissaq aamma nioqqutissat sullissinerillu pisariarsarnissaat pillugit isumaqatigiinniartarnissaq pillugit aalajangiisarnissaminut piginnaatinneqarput.

Piginnaatitsissummi nioqqutissanik sullissinernillu pisisarnerit ilaapput, tamakkulu illuutit aalaakkaasut aserfallatsaaliornernanni iluarsartuunnerannilu sanaartortitsisumut tunniussatut ilaassapput, matumanilu illuutip aalaakkaasup pisortani oqartussami imaluunniit suliffeqarfiup suliassaannut ilaasussatut tulluartauleqqinnissaat anguniarneqarpoq.”

Suliassaqarfimmumut 80 - 89-imut, Sanaartugassat Iluarsagassallu, nassuiaatit

Oqaasertaliussanut nassuiaatit tullinnguuttut ilanngunniarneqarput:

”Nr. 9

Namminersorlutik Oqartussat 2024-mi Nuummi illuummi aalaakkaasumi annertuumik imermik ajoqusiinermik nalaataqarput. Illuut pingaarnertigut Namminersorlutik Oqartussani Aningaasaqarnermut Sulisoqarnermullu Aqutsisoqarfimmit (ASA) allaffittut atorneqarpoq. ASA

Ilanngussaq 2, oqaasertaliussat kiisalu oqaasertaliussanut nassuiaatit

120-nik sulisoqarpoq, taakkununga ilanngullugit ilinniartut kiisalu ilinniagaqartut ikiortaasut. Sulisut allamut nuunnissaannut piffissamik sivisuumik atuisoqartariaqarsimavoq, soorlu angerlarsimaffimmi sulisarnissaasa pilersinnissaat.

Tamatuma saniatigut Maniitsumi illuummi aalaakkaasumi oqummik Namminersorlutik Oqartussat 2024-mi paasisaqarsimapput. Illuut Namminersorlutik Oqartussat ataanni ilinniartut ineqarfiattut efterskolimillu aqutsivittut atorneqarpoq atorneqarnissaanullu mattussaasimalluni. Taamaammat ilinniartitsisarnerit allaffissornerillu, atuarfimmi atuartunut najugaqartitsinerit allamut nuunnissaannut piffissamik sivisuumik atuinissaq pisariaqarsimavoq, tamannalu efterskolip ulluinnarni sulineranut sunnuteqarsimavoq, soorlu ilinniartitsinernut, allaffissornermut kiisalu atuartussat tigugarnerannut tunngatillugu.

Suliat taamaattut ineqqat agguataarnissaannut aammalu immikkoortup ajoqusersorneqarnani suliuarnissaata qulakkeernissaanut immikkut ittumik oqimaatsorsiorititsisimapput. Tassunga peqatigitillugu tamanna sulisunut oqartussanullu pineqartunut kiisalu paaqqinnittarfinni suleqatigisanut annertuunik piumasaqarfiuvoq.

Suliat taamaattut illuutit eqqugaasut aserfallatsaaliortarnissaannut iluarsartarnissaanullu sanaartugassat aallartittarnissaannut suliarisarnissaannulu aammalu pisortat oqartussaaffigisaanni paaqqinnittarfiinilu sulisut atuisullu eqqorneqartut piareersimaffiginarlugit suliariaasissamik sukkannerusumik eqaannerusumillu pisariaqartitsiffiussapput.

Tamanna tunngavigalugu siunnersuutigineqassaaq pisortat nioqqutissanik sullissinernillu pisiortortarneranni Pisortat oqartussaaffigisaanni suliffeqarfiinilu nioqqutissanik kiffartuussinernillu pisiniarnermut tunngatillugu neqerooruteqartitsisarneq pillugu Inatsisartut inatsisaanni nr. 6, 6. december 2019-imeersumi malittarisassat isiginianngikkaluarlugit pisinnaanissaat pillugu Naalakkersuisut aalajangiisinnaassasut.

Oqaasertaliussami nioqqutissanik sullissinernillu pisisarnerit ilaapput, tamakkulu illuutit aalaakkaasut aserfallatsaaliortarneranni imaluunniit iluarsartuunneranni sanaartortitsisut tunniussaattut ilanngunneqassapput, tamakkulu ulloq manna tikillugu pisortani oqartussamit paaqqinnittarfiimiilluunniit sulinermut ilaasumik atorneqarsimapput.

Illuutip aalaakkaasup pisortani oqartussap imaluunniit paaqqinnittarfiup sulineranut ilannguttuassallugu tulluurtuunnginnissaa piumasaqaataavoq. Illuutip aalaakkaasup aserfallatsaaliornissaanut imaluunniit iluarsartuunnissaanut ilanngullugu piumasaqaataavoq sanaartortitsisumut tunniussami illuutip aalaakkaasup pisortani oqartussap imaluunniit paaqqinnittarfiup sulineranut ilaanissaata tulluurtuulluni sukkannerpaamik ilannguteqqinnissaa.

Naalakkersuisut pisineq pineqartoq qanoq isillugu suliarneqassanersoq pillugu aalajangiissapput. Naalakkersuisut tassunga atatillugu neqeroorut ataaseq amerlanerusulluunniit pissarsiarisarnissaat, pisinissaq pillugu isumaqatigiissusiornissaq pillugu nioqquteqartumik ataatsimik arlalinnilluunniit isumaqatigiissusiortarnissaq pillugu aalajangiisinnaatitaapput.

Oqaasertaliussaq nutaajuvoq.”

Nr. 77.

Ilanngussaq 2, oqaasertaliussat kiisalu oqaasertaliussanut nassuiaatit

Kontomut pingaarnermut, 89.71.40 Nukissiorfiit, sanaartornermut taarsigassarsiaritit

Oqaasertaliussat tullinnguuttut kontomut pingaarnermut matumunnga ilanngunniarneqarput: Oqaasertaliussat aqutigalugit Naalakkersuisut Utoqqarmiut Kangerluarsunnguani erngup nukinganik nukissiorfissap nutaap sanaartorlugu aallartinnginnerani sanaartornissaq pillugu Nukissiorfinnut isumaqatigiissusiornissamut Naalakkersuisut piginnaatinneqarnerat aalajangersarneqarpoq, kingusinnerusukkullu attartornissamut isumaqatigiissummik atsiornissamut pisussaaffeqalissasut aalajangersarneqassasoq, tassani attartornissamut akitsuusiinissap naatsorsuiffiginissaanut suleriaasissaq isumaqatigiissutaassalluni:

”Nr. 5

Nukissiorfiit Naalakkersuisut akuersissuteqarnerisigut Utoqqarmiut Kangerluarsunnguani Nuup eqqaaniittumi erngup nukinganik nukissiorfissap nutaap attartornissaa pillugu NunaGreen Construction A/S-imik sanaartornissaq pillugu aamma attartortitsinissaq pillugu isumaqatigiissusiornissamut piginnaatinneqarput.”

Kontomut pingaarnermut, 89.71.40 Nukissiorfiit, sanaartornermut taarsigassarsiaritit, nassuiaatit

Oqaasertaliussanut nassuiaatit tullinnguuttut ilanngunniarneqarput:

”Nr. 5.

Nuup kiisalu Qasigiannugit Aasiaallu pilersorneqarnerannut erngup nukinganik nukissiorfinnik taakkunungalu atatillugu atortunik sanaartornermut, aningaasalersuinnermut ingerlatsinermullu killiliussatut atugassarititaasut pillugit Inatsisartut inatsisaata allanngortinneqarnissaa pillugu Inatsisartut inatsisaanni (Aningaasalersuinnermut killissaliussat annertusineqarnerat) nr. 17, 21. november 2022-meersumi tunngaveqarluni erngup nukinganik nukissiorfissap nutaap sananissaanut aningaasalersuiffiginissaanullu suliasamik Nuna Green A/S tunineqarsimavoq. Suliassaq Nunagreen A/S-imi 100 %-mik pigineqartumi siunertamullu tunngatillugu pilersinneqartumi NunaGreen Construction A/S-imi isumagineqassaaq.

Nukissiorfiit erngup nukinganik nukissiorfimmik nutaamik sanaartoreernerup kingorna ingerlatsissapput, pilersuiffiusumullu imaluunniit suliffeqarfimmuut tunngavilikkamut allamut innaallagissamik tunisassiornissamut atorsinnaassallugu, tamannalu erngup nukinganik nukissiorfinnik ingerlatsinermut piginnaasanik pioreersunik iluaquserneqarsinnaassaaq.

Isumaqatigiissutissap ilusissaa imaalillugu suliarineqarsimavoq Nukissiorfiit sanaartornerup aallartinissaa sioqqullugu sanaartorneq pillugu isumaqatigiissut aqutigalugu kingusinnerusukkut attartornissamut isumaqatigiissummik atsiornissamut pisussaaffeqartussanngorlugit, tassanilu attartornermut akitsuummumut naatsorsuisarnissamut suleriaasissaq isumaqatigiissutigineqarpoq.

Sanaartornissamut isumaqatigiissut. Sanaartornissamut isumaqatigiissiornermi Nukissiorfiit sanaartornerup kingornagut Attartornermut Isumaqatigiissut naapertorlugu Utoqqarmiut Kangerluarsunnguani (NBV) erngup nukinganik nukissiorfissap nutaap sananissaanut pisussaaffilerneqarput.

- Sanaartornissaq pillugu Isumaqatigiissut NunaGreen Construction A/S-ip attartortitsinissamut isumaqatigiissusiornieranut sanaartortitsinissanullu isumaqatigiissusiornieranut peqatigitillugu imaluunniit sioqqutillaarlugu atsiorneqassaaq.
- Isumaqatigiissusiornikkut taarsigassarsisut siunissami NBV-mik attartortarnissaat qulakkeerneqassaaq (matumani ingerlatsinissaq innaallagissamillu tuniniaasarnissaq

Ilanngussaq 2, oqaasertaliussat kiisalu oqaasertaliussanut nassuiaatit

siunertaralugit), taamaaliornikkut NunaGreen Construction A/S naammattumik isertitaqarsinnaanermut qulakkeerneqassammat.

- Isumaqatigiissummi siunissami attartortarnissamut akitsuutissamut suleriaasissaq aalajangersarneqarpoq, qanorlu isillugu tamanna piffissamiit 2023-miit sanaartornerup naammassinissaa tikillugu tamatumalu aningaasalersornissaa tikillugu piffissamut sanaartortitsiffiusumut aningaasartuuterpiaat akilernissaannut tunngavissaq naatsorsuiffigineqassanersoq aalajangersaaffigalugu.
- Naatsorsuinissamut suleriaasissami NunaGreen Construction A/S-imut taarsigassarsiat aningaasalersornissaannut aningaasartuutinngortut ilaassapput, tamakkulu aningaasarivinnut unammilleqatigiissitsinerit malillugit anguneqarsimapput.
- Suleriaasissamittaaq taarsigassarsianut aningaasartat aamma utertitsinissamut ilisarnaatit ilaapput, tamakkulu isumaqatigiissusiornerup atsiorerani aningaaserivinnut isumaqatigiissutaareersimassapput.

Attartornermut Isumaqatigiissut. Sanaartortitsinerup kingorna - ilimanarpoq 2032-mi - Nukissiorfiit NBV-mik Attartornermut Isumaqatigiissut atorlugu attartussapput, tamatumalu kingorna Nukissiorfiit nukissiorfimmiit innaallagissamik tunisassiarineqartunik tamanik sanasinnaalissapput, atuisinnaalissapput tuniniaasinnaalissallutillu, pisariaqarsimappallu innaallagissamik sinneruttumik tuniniaasinnaalissallutik.

- Attartornermut Isumaqatigiissutit ukiuni 25-ni atorunnaarsinneqarsinnaassanngilaq.
- Nukissiorfiit nukissiorfimmumt pioreersumut sanilliullugu ingerlatsinissaq pillugu nammineq aalajangernertik malillugu NBV-imi periarfissanik atuisinnaavoq, taakkunanilu innaallagissamik sinneruttumik immikkoortitsisinnaaneq - sanasinnaaneq tuniniaasinnaanerlu pineqarput.
- Attartornissamut akitsuut suleriaasissaq Sanaartornissamut Isumaqatigiissummiittoq ilaassusaq malillugu aalajangersarneqarumaarpoq, taamaasillunilu siuliani taaneqareersutut akisunerulernerit imaluunniit kinguaattoornerit siumut naatsorsuutaasimanngitsut tunngavigalugit ulorianaatit agguataarnerat tunngavigalugit.
- Nukissiorfiit NBV-mut tamakkiisumik aserfallatsaaliuisarnissamik pisussaaffeqarput. NunaGreen A/S sanaartortut imaluunniit allat pisariaqarfiatigut nukissiorfimmi nutaatut sanaami amigaatinngortunut ikiuuttarnissaannut pisussaaffiligaavoq, kisiannili allannguinerit aserfallatsaaliuinerillu allat Nukissiorfiit suliassaraat.

Naatsorsuutigineqarpoq taarsigassarsineq, qularnaveeqqusiinerlu Missingersuutit Naatsorsuutillu pillugit inatsimmi § 6 eqqarsaatigalugu pissasut.

Suliniutit tamarmiusut inuiaqatigiit aningaasaqarnikkut pitsaasumik iluanaaruteqarnerinik takutitsisumik kingunissaanik nalilersuisoqarsimavoq.

Oqaasertaliussaq nutaajuvoq.”

Nr. 78.

Kontumut pingaarnermut, 89.72.12 Inissialiassat taartissanillu inissialiortiterneq

Oqaasertaliussat tullinnguuttut kontumut pingaarnermut matumunnga ilannguniarneqarput: Inissianut suliassaqarfimmi aaqqissuusseqqittoqarnera pillugu politikikkut isumaqatigiissusiortoqarsimanissaa oqaasertaliussani taaneqarpoq, taakkunanilu Namminersorlutik Oqartussat inissiaataanni attartortittakkani aserfallatsaaliuinissamut kinguaattoornerit angumeriniarneqassapput.

Ilanngussaq 2, oqaasertaliussat kiisalu oqaasertaliussanut nassuiaatit

”Illuutit najugassatut attartortittarnerat pillugu Namminersorlutik Oqartussat nalunaarutaanni nr. 12, 23. april 2008-meersumi § 32, imm. 1, nr. 1 naapertorlugu teknikikkut atortut nutarteriffiginissaannut ikkussuuttarnissaannullu aserfallatsaaliuinissamut nutarterinissamullu pilersaarut malillugu illup silataani iluanilu aserfallatsaaliuisarneq iluarsartuussisarnerlu naapertorlugit Namminersorlutik Oqartussat inissiaataanni attartortittakkani siunissami kinguartitsisarnissat pioreersullu Nunatta Karsianut akilerneqassapput kontumullu pingaarnermut, 89.72.12 Inissialiornissanut suliniutit aamma Taartissanik sanaartornerit, isertitatut nuunneqassapput. Inissianut immikkoortortap kinguartitsineri Namminersorlutik Oqartussat inissiaataasa attartortittakkat ataatsimut aserfallatsaaliorniserisa aningaasalersuiffiginissaannut ilaassapput.

Naalackersuisut kontumi pingaarnermi, 89.72.12 Inissianut suliniutit Taartissanillu Sanaartornerit, inissianik aserfallatsaaliuinissamut suliniutit akilertarnissaannut inissiaatileqatigiiffiit kinguaattoornerannut atuinissamut piginnaatinneqarput, tamakkulu aningaasaliissutit tungaasigut kontumi pingaarnermi, 89.72.12 Inissianut suliniutit Taartissanillu Sanaartornerit, aningaasaliissutitigut killiliussat iluanni akilerneqartut matussusernissaannut piginnaatinneqarlutik.

Naalackersuisut inissianut aserfallatsaaliuinissamut suliniutigineqartuni Namminersorlutik Oqartussat sanaartortitsinissaannut immikkoortortat kinguartitsinerinut tamakkiisumik ilaannakortumilluunniit aningaasalersorneqartuni isumaginnittuupput, tamakkualu kontumi pingaarnermi, 89.72.12 Inissianut Suliniutit Taartissatullu Sanaartornerit,-mi akilerneqarput.”

Kontumut pingaarnermut, 89.72.12 Inissialiassat taartissanillu inissialiortiterneq, nassuiaatit
Oqaasertaliussanut nassuiaatit tullinnguuttut ilanngunniarneqarput:

”Oqaasertaliunneqartoq attartortut Namminersorlutik Oqartussat inissiaataanni attartortittakkani aserfallatsaaliuinissamut iluarsaanissanullu ataatsimut tapiissutaasa Nunatta Karsianut ilaalernissaannik aammalu Namminersorlutik Oqartussat inissiaataasa attartortittakkat tamarmiusut ataatsimut aserfallatsaaliornissaasa ilaannakortumik aningaasaliiffiginissaannik kinguneqassaaq. Oqaasertaliussami nuuttoqarnerani aaqjissuussamik iluarsaasarnernut kinguaattoornerit inissianut immikkoortortaqarfiit kinguaattoornerannut ilaatinneqanngillat.

Attartortut Namminersorlutik Oqartussat inissiaataanni attartortittakkani aserfallatsaaliuinernut iluarsaanernullu tapiissutaat tunngaviatigut naatsorsuuserinikkut siullertut suliarineqartarput. Tapiissutit tamarmiusut Namminersorlutik Oqartussat inissiaataanni attartortittakkani tamarmiusuni aserfallatsaaliuinissaut suliniutissat aningaasalersornissaannut aningaasanut inatsimmi aningaasatigut iluanaarutinut allatullu aningaasaliinernut ilaassapput.

Oqaasertaliussaq Naalackersuisut aamma Inatsisartunut sanaartornermut aningaasaliissutissat saqqummiunnerisigut aningaasanut inatsimmi ukiumoortumik aningaasat atorneqartussat tamarmiusut pingaarnersiornissaannut tulleriaartarnissaannullu akisissaanerannik kinguneqartussaavoq, tassa Namminersorlutik Oqartussat inissiaataasa attartortittakkat tamarmiusut aserfallatsaaliortarnissaasa aningaasalersornissaannut tunngatillugu, taakkunungalu aamma Namminersorlutik Oqartussat inissiaataat attartortittakkat aserfallatsaaliornissaannut iluarsartarnissaannullu attartortut tapiissutaat ilanngullugit.

Naatsorsuutigineqarpoq aningaasat atorneqanngitsut Namminersorlutik Oqartussat inissiaataasa attartortittakkat aserfallatsaaliornissaannut iluarsartarnissaannullu attartortut tapiissutaannut

Ilanngussaq 2, oqaasertaliussat kiisalu oqaasertaliussanut nassuiaatit

tunngassutillit ukiumut aningaasanut inatsiseqarfiusumut tullermut aningaasanut inatsimmi aningaasaliissuteqaqqinnikkut ukiumut aningaasanut inatsiseqarfiusumut tullermut nuuttarnissaat.

Oqaasertaliussap Inissiaatinut immikkoortorta qarfinni Namminersorlutik Oqartussat inissiaataasa attartortittakkat agguataarnissaat pillugu inissianik attartortitsisarneq pillugu Inatsisartut inatsisaanni § 25-mi tunngavigineqartup saneqqunnissaa kingunerissavaa.

Oqaasertaliussap tamatumani saniatigut Illuutit najugassatut attartortittarnerat pillugu Namminersorlutik Oqartussat nalunaarutaanni nr. 12, 23. april 2008-meersumi § 33-p unioqqutittarnissaa kingunerisussavaa. Inissianut immikkoortorta qarfiit ataasiakkaat Namminersorlutik Oqartussat aserfallatsaaliornissaannut iluarsartuuttarnissaannullu kinguaattoorutaat Nunatta Karsianut akilertarnissaat Namminersorlutillu Oqartussat inissiaataasa attartortittakkat tamarmiusut aserfallatsaaliornissaannut atorneqartarnissaat oqaasertaliussat kingunerissavaat.

Aserfallatsaaliuisarnissani tamarmiusuni Namminersorlutik Oqartussat inissiaataasa attartortittakkat aserfallatsaaliornissaannut iluarsartuunnissaannullu inissiani immikkoortortat tapiissutaasa ilanngunnerisigut suut iluaqutaanerpaassanersut pillugit aningaasat tulluarnerpaamik pingaarnersiortarnissaat qulakkeerneqassaaq, kiisalu pisartoq pisinnaajunnaarsinneqassaaq Namminersorlutillu Oqartussat inissiaataasa attartortittakkat amigartumik aserfallatsaaliortanerisa annertusiartuinnarnerat unitsillugu. Aningaasat ataatsimoortinneqaleriapata aserfallatsaaliuinissamut suliniutinut aningaasat atorneqarsinnaasut amerlissapput, takunnittoqarsinnaanerannullu sunniutaasussaq kissaataasooq periarfissillugu.

Aserfallatsaaliuinissamut suliniutissap suliarinissaani piumasarineqarpoq aningaasat atorneqarsinnaasut tamarmik aserfallatsaaliuinissamut pilersaarummut naapertuutsillugit immikkoortinneqassasut. Suliassat ullumikkut suliarineqarsinnaanngitsut nuna tamakkerlugu aserfallatsaaliuinissamut suliniutigineqartoq naapertorlugu sammiveqartinneqarnatillu pingaarnersiugaanngillat, tamannalu pisariaqassaaq pinngortitseqqinnissat iluatsiffiusinnaassappata.

Ataatsimut isigissaganni inissianut aqqissuusseqqinnermi nassuerutigineqarsimavoq inissianut suliassaqarfimmik aamma Namminersorlutik Oqartussat inissiaataannik attartortittakkanik isumaginnittarnerup allanngornissaa pisariaqartinneqartoq. Aserfallatsaaliuisoqarnissaanut tassungalu aningaasaliisoqarnissaanut pilersaarut maanna nuna tamakkerlugu suliassaqarfiup ataatsimut pingaarnersiornissaanut ingerlannissaannullu ataatsimut suliarinniffiunissaanik oqariartuutaavoq.

Inissianut immikkoortorta qarfiit Namminersorlutik Oqartussat inissiaataat attartortittakkat aserfallatsaaliornissaannut iluarsartarnissaannullu tapiissutai tamarmiusut siusinnerusukkut inissianut immikkoortortat ataasiakkaat taakkununga aqutsinerat atornagu Nunatta Karsianut ilanngunneqartussaammata oqaasertaliussap kingunerissavaa INI A/S-ip suliassaani Namminersorlutik Oqartussat inissiaataanni attartortittakkani aserfallatsaaliuinissamut attuumaasutilinni allanngortoqarnissaa, taamaasilluni takuuk Inissiaatileqatigiiffimmik pilersitsinissaq pillugu Inatsisartut peqqussutaanni § 2, imm. 2, nr. 2 aamma § 2, imm. 3, nr. 1. INI A/S aserfallatsaaliuisarnissanut atasumik suliassanik suliarinnittartussat eqqarsaataavoq, kisiannili allanngorlugu. Namminersorlutik Oqartussat inissiaataanni attartortittakkani aserfallatsaaliuisoqarnissaanut tunngatillugu pingaarnersiuisoqarnera naapertorlugu suliassat suliarineqassapput.

Ilanngussaq 2, oqaasertaliussat kiisalu oqaasertaliussanut nassuiaatit

Oqaasertaliussaq nutaajuvoq.”